

Mien Pallemhöltje

Vers:

Mien pallemhöltje is moei angekleid
de slingers hange vol van zeutigheid
kiek alle knuupkes zien bônte snuupkes
beej zôn of raegen geit nao de zaegen
mien pallemhöltje in de groëten optoch mei

Refrein:

Ik gaon vandaag op mien paosbés op paad
jao met mien höltje mien pallemhöltje
hiel moei versiërd det haet mam mich geliërd
ouk hingk de miene vol appelsiene
hiel vuul snoep en baovenop d'n toep
dao heb ik einen haan van krintemik
met van alles wat is d'r niks vergaete
want mien höltje mien pallemhöltje
mien pallemhöltje zuut d'r oët um op te aete

Vers:

Mien pallemhöltje draag ik met plezeer
de ganse stad waal dreej kiër op en neer
ik laup te priëke kom maar ens kiëke
beej zôn of raegen geit nao de zaegen
mien pallemhöltje in de groëten optoch mei

Vers:

Mien pallemhöltje is nog lang neet laeg
al plök ik ouk ein snuupke ônderwaeg
ein sôkker eike of lekker greike
beej zôn of raegen geit nao de zaegen
mien pallemhöltje in de groëten optoch mei

(CD: "Kinder kalender")